



1. Ka uru atu te hauota rehu (N_2) o te kōhauhau ki roto i te oneone, ki reira hurihia ai hei pākawa ota (NO_3^-) e ngā huakita kapo hauota. Ka kiia tēnei tukanga ko te 'kapo hauota'.
2. Ka ruia he *whakahaumako* hauota e whai haukini (NH_3) ana ki ngā pāmu, ka uru atu ki te oneone me ngā kōawa. Ka hurihia e ngā huakita *kapo haukini* hei pākawa ota (NO_3^-). Ka kiia tēnei tukanga ko te kapo haukini.
3. Mā te *uira* me te *ua* e huri ai te hauota rehu (N_2) o te kōhauhau hei pākawa ota (NO_3^-) ki te oneone.
4. He haukini kei roto i te *para* me te *whakapopo kīrehe*, ka uru atu ki te oneone. Ka hurihia e ngā huakita kapo haukini hei pākawa ota (NO_3^-).
5. Arā ētahi tipu pērā i ngā momo pīni, he *tīpona* kei ō rātou *pakiaka* hei huri i te hauota rehu (N_2) hei pākawa ota (NO_3^-).
6. Ka mitia e ngā pakiaka tipu he pākawa ota (NO_3^-) o roto i te oneone hei *taiora* māna.
7. Ka popo ngā toenga tipu, ka hoki anō he hauota ki te oneone.
8. Ka hurihia te pākawa ota (NO_3^-) o roto i te oneone hei hauota rehu (N_2) ki te kōhauhau. Ka kiia tēnei tukanga ko te 'tuku hauota', ā, mā te huakita tuku hauota tēnei tukanga e whakatutuki.